



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CONCILIIS, ET|| ECCLESIA MILITANTE,|| QVATVOR LIRBRIS||
COMPREHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

VII. Concilia partim co[n]firmata, partim reprobata.

[urn:nbn:de:hbz:466:1-53873](https://nbn-resolving.de/urn:nbn:de:hbz:466:1-53873)

Illud etiam obseruabis, hanc Synodus falsò à nonnullis
vocari tertiam Ephesinam, ut ab auctore summæ Concilio-
rum in principio VII. Synodi, & à Sixto Senensi lib. 5. biblio-
thecæ sanctæ annotat. 247. Nam omnes antiqui eam vocat
Constantinopolitanam, & id ipsum clarissimè patet ex isto
ipso Concilio, quod insertum legitur in VII. Synodo act. 6.
causa erroris videtur fuisse, quia isti prophanae Synodo pre-
sedit Theodosius Episcopus Ephesinus.

SEPTIMVM est Concilium PISANVM anno M. D. XI.
cōgregatum ab Imperatore & Rege Galliæ, & aliquot Car-
dinalibus cōtra Iulium II. & reprobatum paulò pōst in Con-
cilio Lateranensi sub Iulio II. sess. 2. & 3.

OCTAVVM numerari potest Concilium VVITTE-
BERGENSE, quod Lutherani generale vocant CCC. Pasto-
rum, præside Luthero anno M. D. XXXVI. Vide Cochlaeum
in actis Lutheri, & Surium in commentario rerum in orbe
gestarum anno M. D. XXXVI.

CAPVT VII.

Concilia partim confirmata, partim repro- bata.

RIMVM generale partim confirmatum, par-
tim reprobatum est SARDICENSE Concilium
Episcoporum CCC. LXVI. anno Domini
CCC. LI. tempore Constantij & Iulij I. ex qui-
bus CCC. Episcopi Occidentales fidem Catholicam con-
firmarunt, quā exponit Hilarius in libro de Synodis, reliqui
LXXVI. Episcopi Orientales fidem Arianam scripserunt.
Vide Socratem lib. 2. cap. 16. Sozomenum lib. 3. hist. cap. 10.
& 11. & Theodorenum lib. 2. cap. 7. & 8.

SECUNDVM est Concilium SYRMIENSE, quod cele-
bratum est annis quinque post Sardicense; hoc est, anno Do-
mini CCC. LV I. Liberio summo Pontifice, & Constantio
Imperatore. In hoc enim Concilio duæ formulæ fidei dis-
sentientes inter se editæ sunt. Vnam composuit Græcè
Marcus Arethusius, qui postea sub Juliano illustre marty-
rium pertulit, quæ quidem ea esse videtur, quam Hilarius

CC 5 in lib.

40 Cap. VII. De Conciliis & Ecclesia. Lib. I.

in lib. de Synodis propè extremo, ut Catholicam explicat. AL TER AM alij composuerunt Latinè plenam aperta blasphemia, quam Hilarius reprehendit in libro de Synodis, non procul ab initio. In eodem etiam Concilio Photini hæresis damnata est, quam damnationem omnes Ecclesiæ probauerunt. Vide Socratem lib. 1. cap. 24. & sequentibus, & Sozomenum lib. 4. cap. 5. & 6. vide etiam Epiphanius hæresi 71. qui tamen in eo lapsus videtur, quod Sardicam pro Symio acceperit.

TERTIVM est Concilium QVINISEXTVM, in quo continentur canones Trullani. Sciendum est enim ex Tharasio disputante in septima Synodo act. 4. sextam Synodum, quæ tempore Constantini IV. celebrata est, nullos canones edidisse, sed post annos aliquot tempore Iustiniani Episcopos rediisse Constantinopolim, & in Palatio, quod dicitur Trullum 102. canones edidisse, quidicuntur Trullani, & à Balsamone vocatur Concilium Quinisextum, quia non est hæc Synodus quinta nec sexta, sed canones addidit quintæ & sextæ Synodo.

Quo tempore hæc Synodus habita sit, non est adeò certum. Nam Theophanes quidam historicus, quem citat Franciscus Turrianus in libro de VI. Synodo, docet celebratam hanc Synodum anno XXVII. à verè sextæ Synodi dissolutione, nimirū anno secundo Imperij Iustiniani instaurati. At Tharasius in VII. Synodo act. 4. & Epiphanius in eadem Synodo act. 6. tomo 1. dicunt post quinque annos à dissolutione Concilij hos canones editos. quod certè probabilius mihi videtur; nam alioqui non video, quæ fuerit illa erratica Synodus Constantinopoli à Iustiniano habita tempore Sergij Papæ, & quam idem Papa reprobauit, teste Beda libro de sex xratibus; Paulo Diacono lib. 6. cap. 4. Othono Friesensi lib. 5. cap. 13. Reginone lib. 1. & Adone Viennensi in Chronico. nam in anno XXVII. à dissolutione Concilij sexti, non sedebat Sergius, sed Constantinus Papa, & certè Beda, & Tharasius antiquiores Theophane sunt, quin etiam Beda ipso tempore vixit, quo Sergius Papa sedebat.

Hos ergo canones dicimus partim reprobatos, quia non interfuit summus Pontifex, nec per se, nec per legatos, dum isti canones fierent. Et aperte Sergius Papa, qui tunc sedebat,

bat, reprobauit erraticam istam Synodum, ut ait Beda in libro de sex etatibus in Iustiniano. Partim autem approbatos, quia etsi canones illi ex se nullam vim habeant, tamen aliqui postea probati sunt a Pontifice, aut aliis legitimis Conciliis, qualis est canon. 82. de pingendis imaginibus, receptus ab Adriano Papa, & VII. Synodo, ut patet ex ipsa septima Synodo act. 2. & 4. Vide quæ differuimus aduersus hanc Synodum Quinisextam libro 2. de summo Pontifice, cap. 18. & 27.

Quartum est Concilium FRANCOFORDIENSE, quod celebratum est anno DCC. XCIV. iuxta Reginonem lib. 2. Adriano I. Pontifice, & Carolo Magno Rege Francorū, quod Concilium ab Adriano confirmatum fuit, quantum ad eam partem, in qua definitur Christum non esse Filium Dei adoptiuum, & ab eodem reprobatur, quantum ad alteram partem, in qua ex errore damnatur septima Synodus. Vide quæ nos diximus in 2. lib. de Conciliis, cap. 9.

Quintum est Concilium CONSTANTIENSE Patrum ferè mille, ex quibus Episcopi amplius CCC. anno M. CD. XIV. inchoatum sub Ioanne XXIII. & anno M. CD. XVIII. finitum sub Martino V. & Sigismundo Imperatore. Plat. Palmerius. Hoc Concilium quantum ad primas sessiones, ubi definit Concilium esse supra Papam, reprobatum est in Concilio Florentino, & Lateranensi vltimo: quantum ad vltimas sessiones, & ea omnia quæ probauit Martinus V. ab omnibus Catholicis recipitur.

Sextum est Concilium BASILENSE inchoatum anno M. CD. XXXI. & continuatum Basileæ, ac deinde Lausannæ usque ad annum M. CD. XLIX, quo tempore cessit Nicolao V. Pontifici tam Concilium, quam Papa Felix V. in schismate ab ipso Concilio creatus. Vide acta Concilij, & Bullam annexam Nicolai V. Pontificis. Huius Concilij nihil est ratum & probatum, nisi quædam dispositiones circa beneficia Ecclesiastica, quæ à Concilio factæ fuerant, quas (pacis & unitatis gratiâ) Nicolaus predictus approbavit.

Concilium vero ipsum reprobatur in Concilio Lateranensi vlti^{mo} sessione undecima.

"quintas